



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

C A T O.

- bl. 1 sp. ^a Dw salt di nicht mit quader v̄mate
 Up dine grote sterke vorlaten.
 Nu hore kint wot spricht david:
 Eyn konyng, syn rike dat is wit,
 It ne wert nicht beholdē bi siner macht, 5
 Heft he sik kegē gode vorvracht.
Aliena noli concupiscere.
 Du salt di nicht vremede dinge begeren,
 Unrechtes gōdes saltu di werē:
 Wentē girecheyt en wortelē is 10
 Vil mēger sunde, dat is wys.
 Seneca secht in gudē dingen
 Salomō spricht de lude er leuē to bringē.
Pauca in convivio loquere.
 Wo du bist to gaste beden, 15
 Sone dar saltu luttich reden.
 Augustinus spricht also:
 Wan de buk van spīse is vro,
 So sal he sine tungē thomē
 Vñ sik neynes dinges vorromē. 20
 Biddet di to etende eyn arm man,
 So swich vñ nym dat hi di gan.
 Vp der tafelen wol ge gan dan,
 Dar de valscheyt richtet vore,
 Vñ di schale wachten de dore. 25
Beneficii accepti memor esto.
 Vñ mit deme nappe wedder schenkē
 Dar di mede geschenket is.
 Dust du dat, so bistu wis.
Neminem iudica. 30
 Dv salt oc nemēs richter wesen,
 Wultu an der sele genesen.

13. augenscheinlich verdorben. vor 23 fehlt ein vers; eben so
 vor 27.

- Got sulvê spricht: vñ richtet nicht,
 Dat gi nicht enwerdē gerichtet.
 Al dat recht is dat saltu don, 35
 1^b Vultu van gode hebbē lon.
 Do ok nicht bouē mate recht,
 Nu hore wot gregorius secht.
Si deus est animus, ut nobis carmina dicunt,
Hic tibi praecipue sit pura mente colendus. 5
 Is got en got also vnse mūt
 Vñ uns de schrift witlic dūt,
 Dat he schapen heft alle ding
 Vñ besloten in der werlde ryng
 Vñ oc mede dē hēmels trone, 10
 Dat he vns bewiset vil schone:
 Hir vme saltu got dinen heren
 Mit lutterē herten to dē erstē eren.
Plus uigila semper ne sompno deditus esto:
Nam diuturna quies uiciis alimenta ministrat. 15
 Luttich slapē, vele waken
 Soltu kint dor desse sake,
 Wentē de dagelikes rowe
 Is des lasters en snode vrowe.
 Dit saltu sone also vorstan: 20
 Du salt nicht ledich gan
 Mit dē liue arbeyde sere
 Ifte mit dē h'ten contemplere,
 Dat di de duuel nicht ledich vinde,
 He vñ al sin gesinne. 25
 De gude sunte Ieronimus
 In sinē bukē sprecht aldus:
 Wor dē vyent en dot h'te vint
 Van gode ledich, dat maket he blint
 Vñ benympt em sinē sin 30
 Vñ dūt dar quade ding yn.
Virtutem primam puto esse compescere linguam:
Proximus ille deo qui scit ratione tacere.
 Hore wat is de erste doget:
 Vultu don dat dy voget, 35
 1^c Dwingē dine tungē vñ dinē munt

- So blift din lif vñ din sele sunt.
 Gode is neger en iewelie man
 De mit reden to tiden sprekē kan
 Vñ sine tungen kan wol holden : 5
 De kan sines sinnes wolden.
 De wise kortet sine mere :
 De dore vorlenget sine lere.
 Salomō spricht: we sinē mūt
 Bewaret, he behūt der sele grunt. 10
Sperne repugnando tibi tu contrarius esto :
Conveniet nulli qui secum discedet ipse.
 Kint noch mer wil ic di vorlesē :
 Du salt di nicht sulvē tegē wesē :
 Wentē we yegē sik sulvē dūt, 15
 De is eynē anderē selden gūt.
Si uitam inspicias, hominum si denique mores :
Cum culpas alios, nemo sine crimine uiuit.
 Wē du schowest der werlde leuē,
 Wē du dē ludē schult wult geuē, 20
 So denke sone tovorē in dy sȳ,
 Dat nē mā sunder sūde mach . . .
 Got spricht mit sines sulues
 De ny vnrecht sprekē kunde :
 De ane sunde hebbe en lef^y 25
 De werpe erstē dē steyn up dit wif.
 Dauid spricht: mīsche dar denke,
 Mȳ moder my ī sundē vntfenk.
 Isidorus dar af ok secht,
 De quat: duet vñ leret dat recht. 30
 He dodet sic mit eynē swerde :
 O we, dat he ny bukstauē lerde !
Quae nocitura tenes quamvis sint cara relinque :
Utilitas opibus praeponi tempore debet.
 Kint hefstu icht dat dy schade, 35
 1^d Al hefstu it lef, vorlat it drade :
 Wentē mē scal nemē vnder tyden

11. esse 12. dissidet 21. in dinē sin 22. mach sin
 23. sulues munde

- Dult vñ quade vnrede miden.
Hore wo ic dat bedude mede:
Ic meyne mer dē mūt der sele 5
Wē des liues, dat sege ic dy,
Des machtu louē my.
Salomō vñ Daud
Segen dat bi erer tyd,
Dat in rechticheyt is beter en brot 10
Wan mit vnrechte al rot golt.
*Constans et lenis, dum tempus postulat ac res,
Temporibus mores sapiens siue crimine viuūt.*
Sone wes stede an dinē mūde,
Dar to sachtmodich also en rode 15
De vor winde bucht:
Dat is din ere vñ din tucht.
Stedege dat recht vñ holdē dar by
Vñ wes sachtmodich dar by
Dē iegen de dar sint vorlogen 20
Vn de nymande hebbē de ze vorhegē.
Salomō het in sinē sale
Eynē lowē vñ enē ossē malē:
De lowe bedudet de grȳmicheynt,
Vñ de osse de sachtmodicheyt. 25
*Nil temere uxori de seruis crede querenti:
Sepe etenim mulier quem coniunx diligit odit.*
Kint nu hore wot my hehaget:
Wan din wif mit haste claget
Ouer din yngesinde mit boser tucht, 30
Dar vmme loue erē worde nicht:
Went se dicke mit hate menet
De dē māne mit truwē denet.
*Cumque mones aliquem, nec se uelit ipse monere,
Si tibi sit carus, noli desistere ceptis.* 35
- 2^a Vortm̄ manestu eynen man
Dē du wot heft legē ofte dan,
Vñ he des gerne hedde vordrach

11. golt rōt? 12 und 13 lauten sonst *Constans et lenis, ut res
expostulat, esto: Temporibus mores sapiens siue crimine mutat.*
20. den genen?

- Dat du hefst dā dor gut bejach,
 Is he din vrūt van h'ten gūt, 5
 Lat nicht af dinē mūt.
 Isidorus sprecht ī sinē dichten:
 Dē me mit wordē nicht kā berichtē,
 Deme scal mē harder wesen
 Vn mit slegē dat beste vorelesen. 10
 Salomō spricht, de wise man:
 Ic wolde leuer slege vntphan
 Van mynē truwē vrunde,
 Wan eyn kussen van des mūde
 De valsch spreke vñ sute wort spreke 15
 Vñ der achter ruge vorsake.
Contra verbosos noli contendere verbis:
Sermo cunctis datur, animi sapientia paucis.
 Du salt nicht kiuē, lere ic vort,
 Tegen de klepesschen dine wort: 20
 Mengem is geuē de rede
 Dar luttich wisheit volgt mede:
 De sinē reden nicht kan sturen
 De is en borch sunder muren.
 Aristotiles spricht, der si wys, 25
 Wor de man vnstedich is,
 Als is gerne sine rede vñ sin leuē,
 Vñ sin ende wert em also geuē.
 Wultu dine wort bewenden,
 So lat dē dorē mit sinē torn vulenden 30
 Sine rede de he heft begūnt.
 Wen sik deñe sachtet sin bose grunt,
 So sprek denne du vñ ga vā eme,
 Dat he denne sine dorheyte bekēne.
Diligo sic alios, ut sis tibi carus amicus: 35
 2^b *Sic bonus esto bonis, ne te mala dampna se-*
 Heftu my lef vñ vtworkorē
 Hebbe di suluē io lef to voren:
 Oc du also deme guden gūt
 Dat di nicht na volge schade grot. 5

18. *sonst Sermo datur cunctis.* 35. *dilige*2^b 1 *abgeschnitten, sequantur.*

- Sacrates secht: du n̄ werl
 Also dat din vorderf
 Nicht en si, dat is m̄ rat,
 So beholdestu dinē stat.
 Geue ic van mines gudes dele 10
 Eynē anderē also vele
 Dat du suluē biddest brot,
 Wi scolde clagē dine not.
Rumores fuge, ne incipias nouus autor haberi:
Nam nulli tacuisse nocet, nocet esse locu- 15
 Nye mere saltu vleen
 Vn uele sprekens dy vnteen:
 Betidē swegē dat is grote ere,
 Vn vele to sprekene scadet sere.
 Also de rose bewiset ere krūt, 20
 Se also meldet dē scallie sin lūt.
 Oc sone desse lere vorsta:
 Aldus spreckt Seneca:
 Du syst na edder verne,
 Der oren gebruket gerne 25
 Vn wes van der tungē wys,
 So gift di de werlde den pris.
Rem tibi promissam certam promittere noli:
Rara fides ideo quia multi multa loquuntur.
 Dat di louet is mit vare 30
 Loue nicht eynē anderē vorware,
 Wentē vele lude vele sprekē,
 Des mûte ze dicke de truwe brekē.
 De gude sunte Iacobus
 An siner epistelē sprecht aldus: 35
 2° De worde v̄n de werke grot
 De sint sunder truwe dot.
Cum te aliquis laudat, iudex tuus esse memento:
Plus aliis de te quam tu tibi credere noli.
 Sone wan du kanst provē 5
 Dat dy en louet v̄n wol genoget,
 So se suluē in dine samwytticheyt

- Vn richte di na der rechticheyt.
 Loue eynē anderē nicht bet van dy,
 Dat sal di io mitte sy. 10
 Des berichtet vns aldus
 De gode meyster Isidorus:
 Men louet dē anderē hūden,
 Mochte he morgē mank dē lūde
 Nemē vū setten up der scandē ricke 15
 Dat dede he gerne, also mē vint dicke.
Officium alterius multis narrare memento,
Atque aliis cum tu benefeceris ipse, sileto.
 Hefstu eynē anderē gut gedan,
 Sone dat lat an di bestan. 20
 God leret suluē: swich al stille,
 Gift du gud dorch minen willen:
 Wentē wat dar gift din vordē hant,
 Dat se diner luchterē vmbekant.
 En meyster gut de het Isidorus 25
 Spreket vū leret alsus:
 Sestu dē gudē vnder dē bosen,
 So saltu van en and'e losen
 Vn getē harde wide vntwey,
 Dat mē de bosen verbeteret se: 30
 Men swigē diner ougē swich,
 So geystu dē eren stich.
Multorum cum facta senex et dicta recenses,
Fac tibi succurrant iuuenis quae feceris ipse.
 Kint wan du bist en older man, 35
 2^d Vn dy nemāt sturen kan
 Dū vult de iungē lude straffen
 Vn mit dinē wordē beclaffen,
 So denke wot du heft bedreuē,
 Do di de ioget gaf dat leuē. 5
 Hir vme sone al sunder nyden
 Ghūme dē iungē er spel to tiden.
Ne cures, si quis tacito sermone loquatur:
Consciū ipse sibi de se putat omnia dici.

CATO.	545
Sprecht ymet stille rede,	10
Dar beware di nicht mede:	
Wente de sik sculdich weyt,	
Suet he runē, dat is em leyt:	
Wente he wenet alleyne	
Dat mē ene mit quade meyne.	15
<i>Cum fueris felix, quae sunt aduersa caueto:</i>	
<i>Non eodem statu respondent ultima primis.</i>	
Wē di komet rikedage vñ lucke	
Vñ gif di gudes mēnich stucke,	
So denke wo it dy na kome;	20
Oft di dat lucke vnthoge:	
De lestē vñ de ersten ding	
Hebbē dicke eynē scheuē ring.	
Nu horet wo spricht Ouidius	
An sinē buke vñ leret alsus:	25
Bistu luckich vñ rike,	
Dat up erden din gelike	
Als di dunket dat nvmāt en sy,	
Vñ bist van h'ten vry:	
So machtu vele vrunde telen	30
Vñ en iewelic wil sic to dy sellen.	
Men vntgeyt di wedder dat lucke,	
Alle dine vrende ten to rugge.	
<i>Cum dubia et fragilis est nobis uita tributa,</i>	
<i>In mortem alterius spem tu tibi ponere noli.</i>	35

Zwei pergamentblätter aus Hildesheim. die handschrift gehört dem vierzehnten jahrhundert an; doch steht sie dem dreizehnten näher als dem funfzehnten. die abkürzungen in den lateinischen worten sind aufgelöst.

GÖTTINGEN.

WILHELM MÜLLER.